


DIE XXII. JANUÁRII

IN FESTO

SANCTI VINCÉNTII

LEVÍTÆ, ET MÁRTYRIS,

DUPLEX SECÚNDÆ CLASSIS
CUM OCTÁVA.



*Omnia de Commu-
ni Unius Martyris non
Pontificis, primo loco,
præter sequentia.*

AD VÊSPERAS

Ant. Dóminus de-
dit mihi linguam eru-
ditam, ut sciam sus-
tentare eum, qui las-
sus est verbo.

Ant. Replétus sum
fortitúdine Spíritus
Dómini, ut annúntiem
Jacob scelus suum.

Ant. Sapientia et
fortitúdo Dómini sunt:
tibi, Deus, confiteor,
quía dedisti mihi.

Ant. Dedit mihi Dó-
minus scientiam sanc-

tórum, et honestávit
me in labóribus.

Ant. Certámen for-
te dedit mihi Dómi-
nus, ut víncerem, et
scirem, quóniam óm-
nium poténtior est sa-
piéntia.

Capitulum. Sap. 10.

Justum dedúxit Dó-
minus per vias rectas,
et osténdit illi regnum
Dei, et dedit illi scién-
tiam sanctorum: in
fraude circumvenién-
tium illum áffuit illi,
descenditque cum illo
in fóveam, et in vín-
culis non derelíquit
illum.

Hymnus.

Partas horrífico supplicii modo
 Palmas, atque decus Mártiris ínclýti
 Festivo résonent cármine péctora,
 Exultántia gáudio.

Cessérunt fúriæ, cessit atrócitys
 Illaudáta feri júdicis, ígnium,
 Vincénti, rábies fugit, abest procúl
 Cædis triste periculum.

Trudúntur rápidis sécula séculis,
 Et cursu révolant irrevocábili,
 Stat, sempérquè sacris stabit honóribus
 Laus immobílior tua.

Te, lucénte polo, donèc éant dies,
 Laudábunt hómines, plaúsibus æthere
 Responsábit ovans cœtus, et aúrea
 Numquàm plectra siléntia.

Summâ laude Pater, Natus et únicus,
 Dicátur páritèr Nexus amábilis,
 Indivisa manens Númine Trínitas
 Nunc, olím, sinè térmínò. Amen.

✠. Fuit magnus se-
 cúndum nomen suum;

✠. Máximus in salú-
 tem electórum Dei.

Ad Magnificat

Ant. Cum transieris
 per aquas, tecum ero,
 et flúmina non opérient
 te; cum ambuláveris
 in igne, non combu-
 réris, et flamma non
 ardébit in te.

Oratio.

Da nobis, quæsumus,
 omnipotens Deus, ad-
 vërsa mundi invictâ
 mentis constántiâ to-
 leráre, qui beátum Le-
 vítam Vincéntium nec
 minis terréri, nec pœ-
 nis passus es superári;
 Per Dóminum nos-
 trum Jesum Christum
 Filium tuum, qui tecum
 vivit...

AD MATUTINUM Christi Martyr triúm-
phat coronátus in cœ-
Invitatorium. lis: * Veníte, adoré-
Beátus Vincéntius mus Dóminum.

Hymnus.

Delassáta senis língua Valérii
Quæ proférre néquit, dógmata núntians,
Certo martyrio non tímido pede
It Vincéntius óbviàm.
Sectus sanguíneo vérbere tráditur
Mactándus fídis discruciantibus;
Inténsis váriat carníficis furor
Instrumenta dolóribus.
Prunis suppositis, cráteque férreâ
Vim perférre diù cógitur ígneam,
Quam solúm váleat sancta repéllere
Ardens pectore cháritas.
Uncis viva caro scínditur úngulis,
Candéntes rénovant vúlnera lámínæ,
Dejectum píceis in spécubus premunt
Testæ corpus acúleis.
¿ Vis audíre novum supplicii genus?
Sic fessum thálamo purpúreo locant
Intèr delicias, sértaque flórea;
Nec constántia frángitur.
Summâ laude Pater, Natus et únicus,
Dicátur páritèr Nexus amábilis,
Indivísa manens Númine Trínitas
Nunc, olím, sinè término. Amen.

IN I. NOCTÚRNO

Ant. Factus es sus-
céptor meus, Dómine,
et refúgium meum in
die tribulatiónis meæ.

Ant. In quocúmque
loco fúeris, Dómine,
sivè in morte, sivè in
vita, ibi erit servus
tuus.

Ant. Magnificábi-

tur Christus in corpore meo sive per vitam, sive per mortem.

✠. Fuit magnus secundum nomen suum;
✠. Máximus in salutem electórum Dei.

De libro Apocalypsis
beáti Joánnis Apóstoli.

Lectio i. Cap. 2, et 3.

Hæc dicit, qui tenet septem stellas in dextera sua, qui ambulat in medio septem candelabrorum aureórum: Scio ópera tua, et labórem, et patientiam tuam, et quia non potes sustinere malos: et tentasti eos, qui se dicunt Apóstolos esse, et non sunt: et invenisti eos mendaces: et sustinuísti propter nomen meum, et non defecísti. Qui habet aurem, audiat quid Spíritus dicat: Vincénti dabo edere de ligno vitæ, quod est in paradíso Dei mei. Hæc dicit primus, et novissimus, qui fuit mórtuus, et vivit: Scio tribulationem tuam, et pau-

peratém tuam, sed dives es: et blasphemáris ab his qui se dicunt Judæos esse, et non sunt, sed sunt synagoga Sátanæ. Nihil horum timeas quæ passurus es. Esto fidélis usque ad mortem, et dabo tibi coronam vitæ. Tu autem...

✠. E cælo membra ista possideo, ✠ Sed propter Dei leges nunc hæc ipsa despicio, quoniam ab ipso ea me recepturum spero.

✠. Ego non solum alligari, sed et mori paratus sum propter nomen Domini Jesu.

✠ Sed propter Dei...

Lectio ii.

Hæc dicit qui habet rhomphæam utraque parte acutam: Scio ubi habitas, ubi sedes est Sátanæ: et tenes nomen meum, et non negásti fidem meam. Vincénti dabo manna absconditum, et dabo illi cálculum candidum: et in cálculo nomen novum scriptum, quod nemo scit, nisi qui ac-

cipit. Et hæc dicit Filius Dei, qui habet oculos tamquam flammam ignis, et pedes ejus similes aurichálco: Novi ópera tua, et fidem, et charitátem tuam, et ministérium, et patiéntiam tuam, et ópera tua novíssima plura prióribus. Qui vícerit, et custodíerit usquè in finem ópera mea, dabo illi potestátē supèr Gentes, et reget eas in virga férrea, et tamquam vas figuli confringéntur, sicut et ego accépi à Patre meo: et dabo illi stellam matutinam. Tu autem...

✠ Angústia sunt mihi úndiquè: ✠ Mélius est mihi absque ópere incidere in manus vestras, quàm peccáre in conspéctu Dómini. ✠ Víncula et tribulatiónes me manent; sed nihil horum véreor. ✠ Mélius est...

Lectio iii.

Qui habet septem Spiritus Dei, et septem stellas, hæc dicit:

Scio ópera tua: esto vigilans et confírma cætera, quæ moritúra erant. Qui vícerit, vestietur vestiméntis albis, et non delébo nomen ejus de libro vitæ, et confitébor nomen ejus coràm Patre meo, et coram Angelis ejus. Et Sanctus, et Verus hæc dicit: Scio ópera tua, et dedi coràm te óstium apértum, quod nemo potest cláudere; quia habes virtútem, et servásti verbum meum, et non negásti nomen meum. Fáciám ut de synagóga Sátanæ véniant, et adórent antè pedes tuos, et scient quia ego diléxite. Quóniam servásti verbum patiéntiæ meæ, et ego servábo te ab hora tentatiónis, quæ ventúra est in orbem univérsum. Tene quod habes, ut nemo accipiat corónam tuam. Qui vícerit, fáciám illum columnam in templo Dei mei, et scribam super eum nomen Dei mei, et nomen civitátis Dei mei novæ Jerúsalem, et

nomen meum novum.
Et hæc dicit Amen,
Testis fidélis et verus,
qui est princípium
creatúræ Dei: Qui ví-
cerit, dabo ei sedere
mecum in throno meo,
sicut et ego vici, et
sedi cum Patre meo in
throno ejus. Tu autem...

R. Dómine, qui habes sanctam sciéntiam, manifestè tu scis, quia, cum à morte possem liberári, ✱ Duros corpóris sustíneo dolóres: secúndum ánimam verò propter timórem tuum libénter hæc pátiar. ✱ Pátior sed non confúndor: scio cui crédidí. ✱ Duros corpóris... Glória Patri... Duros corpóris...

IN II. NOCTÚRNO

Ant. Stetit contra reges horréndos in porténtis et signis.

Ant. Torménta suscepit; ita ut miraréntur, quòd tamquàm nihilum dúceret cruciátus.

Ant. Probávit me Dóminus quasi aurum, quod per ignem transit.

✱ Si consistant advérsùm me castra, non timébit cor meum:

R. Si exúrgat advérsùm me prælium, in hoc ego sperábo.

Lectio iv.

*Ex SS. Aug. et Leon.
Serm. de S. Vinc.; ex
Prudent. Carm. 5. et
Act. ap. Ruinart.*

Vincéntius Martyr ille eximius, quem Paulinus Hispaniárum vocat decus et ornámentum; quem devótis ádeo Augustínus coluit obséquiis, ut sermónibus quinquelaudes ejus dixerit; quem hymnis, et carmínibus Prudentius cécinit Mártyrem toto terrárum orbe celebérrimum, Oscæ in Hispania citerióre nobili ortus genere, Valério Cæsaraugustáno Episcopo, máximæ sanctitátis viro, literis et disciplinis informándus ab infántia tráditus est: qui in doctrína et virtúte gradu céleri sic est progressus, ut à Valério

ordinátus Diáconus, ab eódem Præsule, qui propter linguam impeditiórem verbi ministerio minús erat idóneus, prædicándi partes accéperit. Dum autém créditum sibi munus summá cum laude, fructu nec minóri adimplet, in persecutióne Diocletiáni comprehénsus, Valéntiam in Hispánia ad Daciánum Præsidem vinctus ducitur. Tu autem...

Hanc tentationem Ideò permísit Dóminus eveníre illi, ut pósteris darétur exemplum patientiæ ipsíus. **In** labóribus plúrimis, in carcéribus abundántius, in plagis suprà modum, in mórtibus fréquentér. **Ideò permísit...**

Lectio v.

Verùm quem coràm Christiánâ plebe infrácto à labóribus ánimo prædicáverat, invíctâ à suppliciis constantiâ coràm tyránno Christum proféssus est. Christiánæ religiõis

cultórem se ausus própalàm dicere, Præsidis furéntis jussu vinctus retórtis bráchiis exténsus est, donèc ossa sédibus suis singula moveréntur: mòx férreis úngulis semèl atquè íterùm excarnificátus est. Ipse autém, spretis torméntis, inmótus ac quasi esset sinè ullo dolóris sensu, nec minis, nec iterátis cruciátibus addúci póluit, ut thus idólis adoléret, nequè ut libros sacros tráderet: quapropter craticulæ subjéctis ardéntibus prunis impónitur; applicántur membris láminæ; decúrrit inter candéntis ferri asperitátém líquor; stridens flamma arvínâ respérgitur; salis ignibus sparsi crepitántes minútiae per membra dissiliunt: intéreà Martyr invíctus, eréctis in cœlum óculis, Dóminum precabátur. Tu autem...

Probávit me Deus quasi aurum, quod per ignem transit: **Vestigia ejus secúsus est**

pes meus, viam ejus custodivi, et non declinavi ex ea. ✠ Ad cognoscendum Christum, et societatem passionum illius, configuratus morti ejus.

✠ Vestigia ejus...

Lectio vi.

Post hæc in cárcere testáceis fragmentis strato disténditur, ut testárum acúlei vúlnerum dolórem exasperárent. Sed illustráto coelitus cárcere, Angelórum fovétur obséquio, allóquio mulcétur, solútis nexibus deámbulans psallit, consonat vocis Angélicæ moduláta suávitás: quod per rimas conspiciéntes stupefacti cárceris custódes, Christiánæ religióni fidelitèr se dedunt. Eductus indè Vincéntius molli cúlcitræ impónitur, ut aliquántulum recreátus ácrius dénuò torquérétur: verum pretiosam resolutus in mortem, Daciáno inánitèr de supplicio cogitante, Deo

autèm cleméntèr disponénte de præmio, coelo spíritum reddidit. Circumstántium freqüéntia Sancti vestigia deosculándo prolámbit, vúlnera totius láceri córporis piâ curiositáte palpat, sanguinem línteis excipit sacrá veneratióne pòsteris profutúrum. Conténdit adhuc cum mórtuo cadávere Daciánus; sed frustrá feris óbjiçit: corax namquè custos coelitus designátur, qui eas, trucémque lupum rostro et alis à thesaúro sibi crédito remótiùs arcet: frustrá prójicit in mare; quod étenim minime apparére satágerat, nutu divíno semper próditur corpus, ut religiosiùs humándum, inquit Augustínus, venerandúmque demonstrarétur. Tu autem...

✠ Post tempestátem tranquillum facis, Dómine; et post lacrymationem et fletum exultationem infúndis.

✠ Sit nomen tuum, Deus Israël, benedictum in sécula. ✠ Ipse

autem Dóminus noster
Jesus Christus dedit
consolatióem ætér-
nam, et spem bonam
in grátia. * Sit nomen
tuum... Glória Patri...
Sit nomen tuum.

IN III. NOCTÚRNO

Ant. Propter opus
Christi usque ad mor-
tem accessit, tradens
ánimam suam.

Ant. Mundus obiit,
per ómnia in Dómino
confidens.

Ant. Vita decéssit,
univérsæ genti memó-
riam mortis suæ ad e-
xémplum virtútis de-
relínquens.

* Justus cum cecí-
derit, non collidétur;

R. Quia Dóminus sup-
pónit manum suam.

Léctio sancti Evangelii
secúndum Matthæum.

Lectio vii. Cap. 10.

In illo témpore: Dixit
Jesus discipulis suis:
Nolite timére eos, qui
occidunt corpus, áni-
mam autem non pos-

sunt occidere. Et réli-
qua.

Homília sancti Augus-
tini Episcopi.

*Serm. 274, et 275, (al.
8, et 12 de Sanct.)
in fest. S. Mart. Vinc.*

Magnum spectácu-
lum spectávimus óculis
fidei, Mártyrem sanc-
tum Vincéntium ubi-
que vincéntem. Vicit
in verbis, vicit in pœ-
nis, vicit in confessió-
ne, vicit in tribulatió-
ne, vicit exústus igni-
bus, vicit submércsus
flúctibus: postrémò vi-
cit tortus, vicit mór-
tuus. ¿ Quis istam pa-
tiéntiam míliti suo do-
návít, nisi qui pro illo
prior sánguinem fudit?
cui dicitur in Psalmo,
Quóniam tu es patien-
tia mea, Dómine; Dó-
mine, spes mea à ju-
ventúte mea. Magnum
certámen magnam com-
parat glóriam, non hu-
mánam nec temporá-
lem, sed divínam et
sempitérnam. Fides
pugnat, et quando fi-
des pugnat, carnem

nullus expúgnat. Tu autem...

R. Testimónium consecutus est esse justus, testimónium perhibente muneribus ejus Deo;

* Et defunctus adhuc loquitur. ✠. In vita sua fecit monstra, et in morte mirabilia operatus est. * Et defunctus...

Lectio viii.

Quisquis putat sanctum Vincéntium viribus suis ista potuisse, nimis errat. Quisquis enim viribus suis hoc se posse præsúmpserit, etsi videtur vincere patientiâ, vincitur à superbia. Benè vincere hoc est, univérsas máquinas (diaboli) vincere. Illécebras dum ministrat, vincitur per continentiam : poenas et tormenta infligit, vincitur per patientiam : errores suggerit, vincitur per sapientiam. Si considerétur in ista passione humana patientia, incipit esse incredibilis ; si agnoscátur divína po-

téntia, désinit esse mirabilis. Tanta grassabatur crudélitas in Mártiris corpore, et tanta tranquillitas proferebátur in voce, tantaque poenarum asperitas sæviébat in membris, et tanta securitas sonábat in verbis, ut miro modo putarémus, Vincéntio patiente, álium non loquentem torquéri. Et verè, fratres, ità erat : prorsus ita erat : álius loquebátur. Promisit enim et hoc téstibus suis Christus in Evangélio, quos ad hujúmodi certamina præparábat. Sic enim ait : Nolite præmeditári quómodo, aut quid loquámini. Non enim vos estis qui loquámini, sed Spíritus Patris vestri, qui loquitur in vobis. Tu autem...

R. Numquid narrábit áliquis in sepulcro misericórdiam tuam, Dómine? * Numquid cognoscéntur in tenebris mirabilia tua, et justitia tua in terra. obliviónis? ✠. Nunc, Dómine, respice in eo

quod manum tuam extendis ad sanitates, et signa, et prodigia fieri.
 * Numquid... Glória Patri... Numquid. .

Lectio ix.

Déniquè his præmissis, futuræ videlicet retributionis finibus, etiã in hoc mundo Mártýrum glóriam demonstrémus. Numquid hodie régio, quæve provincia ulla, quousque vel Románum impérium, vel Christiánum nomen extenditur, natalem non gaudet celebrare Vincéntii? Numquid autem hodie Daciáni vel nomen audisset, nisi Vincéntii passionem legisset? Quod verò tantã curã servavit Dominus Mártýris corpus, Numquid aliud demonstravit nisi se gubernasse viventem, quem non reliquit exanimem? Vicit ergo Daciánus vivens Vincéntius, vicit et mortuus. Vivens tormenta calcavit, mortuus maria transnavit. Sed ipse inter undas gu-

bernavit cadáver extinctum, qui inter ungulas ánimum donavit invictum. Non flexit flamma tortóris cor ejus; non mersit aqua maris corpus ejus. Sed in his et hujusmodi nihil est aliud nisi, Pretiosa in conspectu Dómini mors Sanctórum ejus. Tu autem...

Te Deum laudámus...

AD LAUDES

et per Horas .

Ant. Factus est Dóminus protector meus: salvum me fecit, quoniam voluit me.

Ant. Deus meus misit Angelum suum: quia coram eo justitia inventa est in me.

Ant. Transivi per ignem et aquam; et eduxisti me, Domine, in refrigerium.

Ant. Tamquam prodigium factus sum multis; et tu, Domine, adjutor fortis.

Ant. Bonum certamen certavi, cursum consummavi, idem servavi: in reliquo re-

pósita est mihi coróna
justítiæ.

Capitulum Justum
deduxit.. *ut la 1. Vesp.*

Hymnus.

Heros suppliciis victor in ómnibus,
Elúsis fátui júdicis ártibus,
Lecti blandítias déserit ávolans
Trans fulgéntia sydera.
Cœlum prodigiis, corpus ut íntegrum
Projéctum médiis perstet agris, favet,
Custos corvus adest, nec vólucres, nequè
Accédunt ávidæ feræ.
Judex æquóreis flúctibus ímperat
Mergi, reliquiis ne páteat locus;
Incássum, plácidè nám refluéntibus
Stans undis supèr énatat.
Adsis, ò, fámulis ritè precántibus,
Vincénti, rádium lúminis ímpetra,
Ne cedat pietas fracta perículis,
Succumbátque labóribus.
Id nostro ináneat corde reconditum,
Quòd torménta brevì prætereúntia
Ætérnæ páriunt præmia glóriæ,
Permansúraque gáudia.
Summâ laude Pater, Natus et únicus,
Dicáture páriter Nexus amábilis,
Indivísa manens Númine Trínitas
Nunc, olim, sinè término. Amen.

Ps. Custodívit Dó-
minus ómnia ossa jus-
ti; *R.* Unum ex his
non conterétur.

Ad Benedictus

Ant. Amplificátus

est in mirabílibus suis;
¿ et quis potest simili-
tèr sic gloriári? Po-
tentiâ nemo vicit il-
lum, et mórtuum pro-
phetávit corpus ejus:
in vita sua fecit mons-
tra, et in morte mira-

bília operátus est .

Oratio Da nobis ,
quæsumus... **ut suprà**
in 1. Vesperis.

AD PRIMAM

Ant. Factus est...
Lectio brevis , Capitulum Nonæ.

AD TERTIAM

Ant. Deus meus...
Capitulum Justum de-
dúxit... **ut in 1. Ves-**
peris.

R. breve. Fuit mag-
nus * **Secúndum** no-
men suum . Fuit...

* **Máximus** in salú-
tem electórum Dei. **Se-**
cúndum... Glória Pa-
tri... Fuit...

* Si consístant ad-
vérsùm me castra, non
timébit cor meum :

* Si exúrgat advér-
sùm me prælium , in
hoc ego sperábo.

AD SEXTAM

Ant. Transívi...

Capitulum. Sap. 10.

Custodívit illum Dó-

minus ab inimícis , et
à seductóribus tutávit
illum, et certámen for-
te dedit illi ut vince-
ret , et sciret quóniám
ómniū poténtior est
sapientia.

R. breve. Si consís-
tant advérsùm me cas-
tra , * Non timébit
cor meum. Si consís-
tant... * Si exúrgat
advérsùm me prælium,
in hoc ego sperábo.
Non timébit... Glória
Patri... Si consístant...

* Justus cum cecí-
derit , non collidétur ;

R. Quia Dóminus sup-
pónit manum suam.

AD NONAM

Ant. Bonum certá-
men..

Capitulum. Sap. 10.

Intrávit Deus in áni-
mam servi sui, et stetit
contra reges horren-
dos in portentis et sig-
nis : ideo decantávit,
Dómine, nomen sanc-
tum tuum, et victrí-
cem manum tuam lau-
dávít páritèr.

R. breve Justus cum

ceciderit, * Non collidetur ; Justus....

✠. Quia Dominus supponit manum suam. Non collidetur. Glória Patri... Justus...

✠. Custodivit Dominus omnia ossa justit ; ✠. Unum ex his non conteretur.

IN II. VÉSPERIS

Ant. Factus est Dominus... **ut. ad Laud.**

Psalm. Dixit Dominus... , **et loco ultim.**,
Psalm. Crédidi...

Capitulum Justum deduxit.... **Hymnus** Partas... **ut in 1. Vesperis.**

✠. In sæculum memoria ejus in benedictione ; ✠. Et nominatus est usque ad novissimum terræ.

Ad Magnificat

Ant. Réspice ad orationem servi tui, Domine Deus, quam orit coram te hodie : ut exaudias deprecationem populi tui.

DIE XXIX. JANUÁRII

OCTÁVA S.^{TI} VINCÉNTII

LEVÍTÆ , ET MÁRTYRIS.

DUPLEX.

Omnia ut in die Fes-
to præter Lectiones i.
Nocturni , quæ erunt
de Scriptura occurren-
te , et sequentes.

In ii. Nocturno.

Sermo sancti Leónis
Papæ.

Lectio iv.

*Serm. 13. in nat.
S. Vinc. M.*

Cunctórum licèt, di-
lectíssimi , gloriósas
Mártyrum passiónes,
quos distínta regi-
onibus loca meruérunt,
una fides fáciat omni-
bus indiscreto honóre
venerábiles : própriam
tamèn sibi in hoc ve-
nerationis obséquio illi
vindicant dignitátem,

qui Ecclésiám Dei et
documentis præ cæte-
ris erexérunt , et pa-
trociníis adjuvérunt.
Intèr quos justè beá-
tum Levítam Vincén-
tium, cujus confessió-
ne et morte Christum
incrédulis prædicátum
incunctántèr agnósci-
mus, catholicis stúdiis
celebrámus. Qui ut
fidelium devotióem
Deo studiósius com-
mendáret, altióri cha-
ritátis flamméscens af-
fèctu, morti sese tan-
dèm fidelitèr obtulit,
quo videlicèt robur fi-
dei in solidíssima pe-
tra Christo fundátum,
sequácibus imitándum
darétur: nec nõn et se-
men Apostólicæ præ-
dicatiónis per eum plú-
ribus disseminatum,
ope suæ intercessi-
onis

tutum, ac perfecta consummationis fruge refectum in coelestibus demum horreis conderetur. Hunc ergo amplius propria venerentur, quem etiam peregrina mirantur : quantum eis se largiorem exhibeat in beneficiis, quibus se amabiliorem cognoscit in gaudiis, fiatque in ejus sollemnitate uberior laetitiae ambitus, de quo fidei crevit effectus. Tu autem...

R. Hanc tentationem..

Lectio v.

Vincēntii passiōnis vel ūltima pervidēre, seu memorāri, fratres, evidēntius placet: quantum animadvērtat sanctitas vestra, quod diabolus suum perdūxerit dolis ministrum, vel quomodo Christus suum in finem usque servāverit famulum. Cōgnito igitur sancto Vincēntii abscēssu, judex insānus, et quia Christus vicisset in Vincēntio nesciens Daciānus, illius sibi pro-

mīttit cadāveris expositionē vindictam, cuius gemit ex virtute victōriam. Feris namque et cānibus decēpta furōris supērbia assumēdum prōjici mandat lictōribus, ut tali pastu eōrum impleret ventrem, quorum ipse gerēbat mentem. Sed ut dīvinis excrescēntibus beneficiis majōris victōriæ Vincēntio grātia conferrētur, mīttitur corvus, avis amīca cadavēribus, expōsitae corpōris dapes servatūra jejūna. Qui ut coelitus se custōdem designātum ostēderet, adventāntes reliquas aves ēminūs non segui impetu perturbābat : intēter quas immānem quoque lupum prōpius accedētem, vclut qui commissum thesāurum sacrilegā audāciā attamināre præsūmeret, pennis et alis divēberans procūl abēgit. Sed ille, quod non tam ad inferēdam venisset injūriam, quā ad augēndam mirāculi pompam, quadam sui ha-

bitudine stúpidus indicábat. Tu autem...

R. Probávit me Deus..

Lectio vi.

Impúdens furor, et stulta vesánia! Corvus obséquitur, lupus venerátur, Daciánus perséquitur, nec erubescit velle se adhuc ferox pérdere, quem mansuefacta bestiális féritas satagébat protégere. Unde ad occuléndam Mártyris laudem, non jam secretum, sed profúndum elegit: credens sibi ad delitescéndam ejus glóriam non claustra fidei servatúra, sed mária: quasi non idem eleménti dóminus esset, per quem dudum ei cárceris ábdita cœlesti fulgóre radiáta micuissent. Datur nautis mergéndum corpus in fluctibus: ut ad auxiliū saltē æquora proficerent, cui ad vincéndum Christi militē terra defecisset.

Enavigáti itaquē magnâ ex parte freti gurgitibus, projectum inter sorbētes undas præpotens est Dei dextera consecúta: et quæ spíritum intúlerat in cœlum, corpus mox rétulit ad sepúlcrum. Sic prædicátor veritatis, charíssimi, nec tormentórum vincitur pœnis, nec tenebrósi cárceris superátur angustiiis. Non à béstiis dilaniátur, non profúndo celátur, sed lítteri redditur, præcónio diffamátur: ut qui verè conféssus fúerat nomen Deitátis, veritáte sibi adesse experiretur divinæ suffrágia bonitátis: consequēnsque erat, quatenus ad ejus visiōnem per mortem attingeret, quem probábilis vitæ conversatiōe semp̄ attestátus fuisset; sciens quód de contéptu præsentis vitæ glória surgit beatitudinis æternæ. Tu autem...

R. Post tempestátem...

In iii. Nocturno.

Lectio sancti Evangelii
secundum Matthæum

Lectio vii. Cap. 10.

In illo tempore : Dixit
Jesus discipulis suis :
Nolite timere eos , qui
occidunt corpus , ani-
mam autem non pos-
sunt occidere. Et ré-
liqua.

Hemilia sancti Augus-
tini Episcopi.

*Serm. 276, 277, (al. 12.
de Sanct. et 102. de
Divers.) in fest.
Mart. Vinc.*

In passione , quæ no-
bis hodiè recitata est,
fratres mei , evidentèr
ostènditur iudex ferox,
tortor cruentus , Mar-
tyr invictus. In cujus
corpore poenis variis
exarato , jam tormen-
ta defecerant , et ad-
huc membra durabant.
Tot convicta miracu-
lis persistebat impie-

tas , tot vexata suppli-
ciis non cædebat in-
firmitas : agnoscat
ergo operata divini-
tas. Quando enim cor-
ruptibilis pulvis con-
tra tam immània tor-
menta duraret , nisi in
eo Dòminus habità-
ret ? In his enim om-
nibus ille agnoscen-
dus , ille glorificandus ,
ille laudandus est , qui
et in prima vocatione
dedit fidem , et in su-
prema passione virtù-
tem. Vultis nosse
quid utrùmque donà-
tum est ? Audite Apòs-
tolum Paulum : Vobis ,
inquit , donatum est
pro Christo , non so-
lùm ut credàtis in eum ,
verùm etiàm ut pa-
tiàmini pro eo. Accé-
perat hæc utraque Le-
vita Vincéntius , ac-
céperat , et habebat.
Si enim non accepis-
set , quid haberet ?
Habebat in sermone
fiduciam , habebat in
passione tolerántiam.
Tu autem...

R. Testimónium...

Lectio viii.

Clariorem nobis Mártyrem tot torménta faciébant. Multipli-
ci enim vúlnerum va-
rietáte confóssus, non
deserébat pugnam, sed
ácriùs iterábat. Putá-
res quòd eum duráret
flamma, non úreret;
et tamquàm figuli for-
nax lutum molle sus-
cípíens, duram réd-
deret testam. Póterat
Martyr noster dicere
Daciáno: Jam non u-
rit ignis tuus carnem
meam, quia exáruit
velut testa virtus mea.
Et quóniam verácitèr
scriptum est, Vasa fi-
guli probat fornax, et
hómínes justos tentá-
tio tribulatiónis; pro-
bátus est, atque de-
còctus illo igne Vin-
céntius: arsit verò, et
crépuít Daciánus. Si
enim non ardébat;
¿undè clamábat? ¿Quid
enim erant verba iras-
céntis, nisi fumus ar-
dentis? Ergò Márty-
ri nostro, refrigerium
in corde habénti,
flammas extrínsecùs

admovébat: sed ipse
fácibus furóris accén-
sùs, tamquàm clíba-
nus intùs ardébat, et
habitatórem suum diá-
bolum concremábat.
Non tantùm Márty-
rem cruciábant tor-
ménta, quántum il-
lum vastábat insánia.
Tu autem...

R. ¿Numquid nar-
rábit..

Lectio ix.

Sed jam, fratres, il-
la omnia transiérunt,
et ira Daciáni, et pœ-
na Vincéntii. Nunc
autèm pœna Daciáno,
coróna verò manet
Vincéntio. Hoc attén-
dite, et fidem ves-
tram interrogáte. Sanc-
tus Vincentius si for-
mídine tormentórum
negáret Christum, vi-
derétur córpori peper-
cisse: quadam autèm
conditióne mortáli,
córpore solveretur.
¿Quid ágeret in re-
surrectiόne, cum in
æternum ignem præ-
cipitaretur? Negans
Christum, negátur à
Christo: Qui negáve-

rit me , inquit , cor-
 ràm hominibus , ne-
 gábo eum coràm Pa-
 tre meo, qui est in cœ-
 lis . Ecce negáret ,
 quiéscerent illi tortó-
 res , et vulneráto áni-
 mo , sanum esset cor-

pus ; immò occiso á-
 nimo , víveret corpus :
 ¿ quid prodés et in æ-
 térnum mórtuo brevis
 córporis vita ? Tu au-
 tem...

Te Deum laudámus...


HISPANIARUM.


Ecclēsia Dñi firmitèr ædificata super fundamentum Apostolorum et Prophetarum ipso summo angulari lapide Christo Jesu, sævientium persecutionum furorem confregit ingenti eorum multitudine qui pro Christiana fide asserenda, nec ærumnis labefacti, nec tormentorum vi contreriti, nec mortem extimescentes invicto de Tyrannis animo triumpharunt. Eminent inter eos S. Levita Vincētiūs Hispaniarum decus et ornamentum, qui præclarissimo consummato Martyrio, illustrem toto Orbe terrarum gloriam, sui que nominis celebritatem est adeptus. Sed quæ communis est in Sanctos Martyres fidelium Religio, illos potissimum excitat ad peculiarem cultum, venerationem que iis exhibendam, quibus communio Nationis et Patriæ legitimum, nobilemque titulum præbet. Hisce rationibus, piaque in Sanctum Levitam devotione, necnon votis quamplurium spectatissimorum Episcoporum, Cleri, et populi permotus Catholicus Hispaniarum Rex Ferdinandus, per suum apud Apostolicam Sedem Oratorem, supplicavit SSmo. D. N. Pio VII. Pont. Max., ut potestatem facere dignaretur utrique Clero Regnorum Hispaniæ et Indiarum solemnitus celebrandi Festum Sancti Levitæ et Martyris Vin-


centii sub rit. dup. secundæ classis cum Octava, et cum Officio, et Missa propriis ad Rubricarum leges ritè dispositis. Et Sanctitas Sua, me infrascripto S. R. C. Secretario referente, Religionem piissimi Regis plurimum commendans indulset, ut in omnibus Dominiis eidem Catholico Regi subjectis ab universo Clero Festum Sancti Vincentii solemniori cultu in posterum quotannis celebrari possit sub ritu videlicet secundæ classis cum Octava, et cum Officio, et Missa propriis ab Emo. et Rmo. Dño. Cardinali Julio Maria de Somaglia S. R. C. Præfecto, et à R. D. Aloysio Gardellini ejusdem S. C. Assessore, meque Secretario subscripto revisis. Die 6. julii 1819.


Julius M. Card. Episc. Portuens. et Sanctæ Ruffinæ della Somaglia S. R. C. Præfectus. = Loco ✠ sigilli. J. A. Sala S. R. C. Secret. Coadjut. = Visto por el Ministro del Rey nuestro Señor, Roma 15. de julio de 1819. Antonio de Vargas.

MATRITI
TYPIS REGIÆ SOCIETATIS
1819.
















75(242)/38



UNIVERSIDAD DE SEVILLA



600154387

i24175535

i24175653



